


上



區秀集序




昔陸平原之論文曰詩緣情而綺靡是
彩色相宣烟霞交映風流婉麗之謂也
仲尼定禮樂正雅頌采古詩三千餘什
得三百五篇皆舞而蹈之弦而歌之亦
取其順澤者也近秘書監陳公國子司
業蘇公嘗從容謂芮侯曰風雅之後數
千載間詞人才子禮樂大壞諷者溺於
所譽志者乖其所之務以聲折爲宏壯

國朝集序
勢奔爲清逸此蒿視者之目聒聽者之
耳可爲長太息也運屬皇家否終復泰
優游闕里唯聞子夏之言惆悵河梁獨
見少卿之作及源流浸廣風雲極致雖
發詞遣句未協風騷而披林擷秀揭厲
良多自開元以來維天寶三載譴謫蕪
穢登納菁英可被管絃者都爲一集芮
候卽探書禹穴求珠赤水取太冲之清
詞無嫌近溷得興公之佳句寧止擲金
道苟可得不棄於廝養事非適理何貴
於膏梁其有巖壑孤貞市朝大隱神珠
匿耀剖巨蚌而寧周寶劒韜精望斗牛
而未獲目之縑素有愧遺才尚欲巡采
風謠芻求側陋而陳公已化爲異物堆
案岷然無與樂成遂因絕筆今略編次
見在者凡九十人詩二百二十首爲之
小集成一家之言

國秀集目錄上

天官侍郎李嶠 四首



考功員外郎宋之問 六首

膳部員外郎杜審言 五首

太子詹事沈佺期 五首

右丞相張說 五首

中書侍郎徐安貞 六首

京兆張敬忠 一首

秘書監賀知章 二首

太子賓客徐彥伯 一首

仙州別駕王翰 二首

中書舍人董思恭 一首

新安丞杜儼 一首

殿中少監崔滌 一首

太子洗馬沈宇 一首

廣文進士劉希夷 三首

左丞相張九齡 三首

禮部尚書席豫 二首

靈昌太守李邕 一首

吏部員外郎盧僎 十三首

司勳員外張鼎 二首

刑部侍郎孫逖 六首

兵部員外趙良器 一首

金部員外郎黃麟 一首

太子尉郭向 一首

凡二十四人詩七十四首

侍宴甘泉殿

李嶠

國秀集上
二
月宇臨丹地雲牕網碧紗御筵陳桂醕
天酒酌榴花水向浮橋直城連禁苑斜
承恩恣歡賞歸路滿烟霞

餞薛大夫護邊

荒隅時未通副相下臨戎授律星芒動
分兵月輦空犀皮擁青橐象齒飭彤弓
決勝三河勇長驅六郡雄登山窺代北
屈指計遼東佇見燕然上抽毫頌武功

送崔主簿赴滄州

紫陌追隨日青門相見時宦遊從此去
離別幾年期芳桂中罇酒幽蘭下調悲
他鄉有明月千里照相思

送司馬先生

蓬閣桃源兩處分人間海上不相聞一
朝琴裏悲黃鶴何日山頭望白雲
同姚給事寓直省中見贈

宋之問

清論滿朝陽高才拜夕郎還從避馬路

來接珥貂行寵就黃扉日威回白簡霜
栢臺遷鳥茂蘭省得人芳禁靜鐘初徹
更踈漏漸長曉河低武庫流火度文昌
寓直恩光重乘秋藻翰揚暗投空欲報
調下不成章

九日登慈恩寺浮圖應制

鳳刹尋雲半虹旌倚日邊散花多寶塔
張樂布金田時菊芳仙醒秋蘭動睿篇
香街稍欲晚清蹕扈歸天

題大庾嶺一首

陽月南飛鴈傳聞到此回我行殊未已
何日復歸來江靜潮初落林昏瘴不開
明朝望鄉處應見嶺頭梅

登總持寺閣一首

梵宇出三天登茲望八川開襟俯城闕
揮手拂雲烟函谷青山外昆池落日邊
東京楊柳陌少別已經年

端州驛見杜審言王無競沈佺

期閭朝隱壁有題慨然成詠
逐臣北地承嚴譴謂到南中每相見豈
意南中岐路多千里萬里分鄉縣雲搖
雨散各分飛海濶江長音信稀處處山
川同瘴癘自憐能得幾人歸

登逍遙樓一首

逍遙樓上望鄉關淶水泓澄雲霧間北
去衡陽二千里無因鴈足繫書還

春日江津遊望

杜審言

旅客搖邊思春江弄晚晴烟消垂柳弱
霧卷落花輕飛棹乘空下回流向日平
鳥啼移幾處蝶舞亂相迎忽歎人皆濁
隄防水至清谷王常不讓深可戒中盈
秋夜宴臨津鄭明府宅

行止皆無地招尋獨有君酒中堪累月
身外卽浮雲露白宵鐘徹風清曉漏聞
坐携餘興往還似未離羣

夏日過鄭七山齋

國秀集上
五
共有樽中好言尋谷口來薜蘿山徑入
荷芰水亭開日氣含殘雨雲陰送晚雷
洛陽鐘鼓至車馬繫遲回

九日宴江陰

蟋蟀期歸晚茱萸節候新降霜青女月
送酒白衣人高興要長壽卑棲隔近臣
新沙卽此地舊俗坐爲鄰

贈蘇綰書記

知君書記本翩翩爲許從戎赴朔邊紅

粉樓中應計日燕支山下莫經年

三日侍宴梨園

沈佺期

九門馳道出三巴襍堂開畫鷁中流動
青龍上苑來野花飄御席河柳拂天杯
日晚迎祥處笙鏞下帝臺

酬蘇貞外夏晚寓直省中見贈
並命登仙閣分宵直禮闈太官供宿膳
侍史護朝衣卷幔天河入開牕月露微
小池殘暑退高樹早涼歸冠劍無時釋

軒車待漏飛明朝題漢柱三署有光輝
壽陽王花燭
仙媛乘龍夕天孫捧鴈來可憐桃李樹
更遶鳳凰臺燭送香車入花臨寶扇開
莫令銀漏曉爲盡合歡杯

宿七盤嶺

獨遊千里外高臥七盤西曉月臨床近
天河入戶低芳春平仲綠清夜子規啼
浮客空留聽褒城聞曙雞

遥同杜五過庾嶺

天長地濶嶺頭分去國憂家見白雲洛
浦肝腸無用說崇山瘴疫不堪聞南浮
漲海鳶何處北望衡陽鴈幾羣兩地春
風萬餘里何時重謁聖明君

魏齊王元忠

張說

齊公生人表迥天聞鶴唳清論早揣摩
玄心晚超詣入相廊廟靜出軍沙漠霽
見深呂祿憂舉後陳平計甘心除君惡

足以報先帝

蘇許公瓌

許公信國楨克美具瞻情百事資朝問
三章廣世程處高心不有臨節自爲名
朱戶傳新戟青松拱舊榮淒涼丞相府
餘慶在玄成

李趙公嶠

李公寔神敏才華乃天授睦親何用心
處貴不忘舊故事遵臺閣新詩冠宇宙
在人忠所奉惡我誠將宥南浦去無歸
嗟嗟茂孫秀

郭代公元振

代公舉鵬翼懸飛磨海霧志康天地屯
適與雲雷遇興亡一言決安危萬心注
大勳書王府窄命淪江路勢傾北夏門
哀靡東平樹

趙耿公彥昭

耿公山嶽靈才傑心亦妙鷲鳥峻標立

哀玉扣清調叶贊休明啓恩華日月照
何意瑤臺雲風吹落江徼相流下潯陽
灑淚一投弔

奉和聖制答二相出雀鼠谷

徐安貞

兩臣初入夢二月扈巡邊澗北寒猶在
山南春半傳頌聲先奉御辰象復回天
雲日明千里旌旗照一川柳陰低輦路
草色變新田還望汾陽近宸遊自窅然

從駕溫泉宮

神女調溫液年年待聖人試開臨水殿
來洗屬車塵暖氣隨明主恩波浹近臣
靈威自無極從此獻千春

畫殿侍宴

校文常近日賜宴忽昇天酒正傳杯至
養人捧案前玉階鳴溜水清閣引歸烟
共惜芸香暮春風度幾年

送王判官

國秀集上
九
明月開三硤
花源出五溪
城池青壁裏
烟火綠林西
不畏王程促
唯愁仙路迷
巴東下歸棹
莫待夜猿啼

送呂向補闕西岳勒碑

聖作西山頌
君其出使年
勒碑懸日月
驅傳接雲烟
寒盡函關路
春歸洛水邊
別離能幾許
朝暮玉墀前

送丹陽採訪

郡縣分南國
皇華出聖朝
爲憐鄉棹近
不道使車遙
舊俗吳三讓
遺風漢六條
願言除疾苦
天子聽謳謠

邊詞

張敬忠

五原春色舊來遲
二月垂楊未吐絲
卽今河畔冰開日
正是長安花落時

送人之軍中

賀知章

常經絕脉塞
復見斷腸流
送子成今別
令人起昔愁
隴雲晴半雨
邊草夏先秋
萬里長城寄
無貽漢國憂

偶遊主人園

主人不相識偶坐爲林泉莫謾愁酤酒
囊中自有錢

孤燭嘆

徐彥伯

切切夜闈冷微微孤燭然玉盤紅淚滴
金燼彩光圓暖手縫輕素嘯蛾續斷絃
相思咽不語回向錦屏眠

涼州詞二首

王翰

蒲萄美酒夜光杯欲飲琵琶馬上催醉

臥沙場君莫笑古來征戰幾人回

秦中花鳥已應闌塞外風沙猶自寒夜
聽胡笳折楊柳教人氣盡憶長安

奉試昭君

董思恭

琵琶馬上彈行路曲中難漢月正南遠
燕山極北寒髻鬟風拂亂眉黛雪霑殘
斟酌紅顏趣何勞握鏡看

客中作一首

杜儼

書劒催人暫閑洛陽羈旅復秦關容

國秀集 十一 二百七十五
顏歲歲愁邊改鄉國時時夢裏還

望韓公堆一首 崔滌

韓公堆上望秦川渺渺關山西接連
孤宦一身千里外未知歸日是何年

武陽送別 沈宇

菊黃蘆白鴈初飛
羌笛胡琴淚滿衣
送君腸斷秋江水
一去東流何日歸

覽鏡 劉希夷

青樓挂明鏡
臨照不勝悲
白髮今如此
人生能幾時
秋風下山路
明月上春期
歎息君恩盡
容顏不可思

晚春

佳人眠洞房
回首見垂楊
寒盡鴛鴦被
春生玳瑁床
庭陰幕青靄
簾影散紅芳
寄語同心伴
迎春且薄粧

歸山

歸去蒿山道
煙花覆青草
草綠山無塵
山青楊柳春
日暮松聲合
空歌思殺人

國秀集
奉詔宋大使鼎一首

張九齡

時來不息意宿昔繆鈞衡翊聖輔明主
妨賢愧友生罷歸猶未識待罪尚南荆
政是留棠舊風因繫組清軒車問疾苦
黎庶荷仁明衰廢時將薄祇因僚舊情
奉和五司馬折梅寄京中兄弟
離別念同嬉芬榮欲共持獨攀南國樹
遙寄北風時林惜迎春早花愁去國遲
仍聞折梅處更有棣華詩

春燕寄懷一首

海燕何微眇乘春亦暫來不知泥滓賤
祇見玉堂開繡戶時雙入雕梁日幾回
無心與物競鷹隼莫相猜

蒲津迎駕

席豫

回鸞下蒲坂飛旆指秦京雕上黃雲送
關中紫氣迎霞朝看馬色月曉聽雞鳴
防拒連山險長橋壓水平省方知化洽
察俗覺時清天下長無事空餘襟帶名

奉和勅賜公主鏡

令節頒龍鏡仙輝下鳳臺含靈萬象入
寫照百花開色與皇明散光隨聖澤來
妍蚩冰鑑裏從此媿非才

詠雲

李邕

綵雲驚歲晚繚繞孤山頭散作五般色
凝爲一段愁影雖沉澗底形在天際遊
風動必飛去不應長此留

十月梅花書贈

盧僎

君不見巴鄉冬候與華別年年十月梅
花發上苑今應雪作花寧知此地花爲
雪自從遷播落黔巴三見江上舞新花
故園風光靈洛汭窮峽凝雲度歲華花
情縱似河陽好客心倍傷邊候早春候
颯驚樓上梅霜威未落江潭草江水尋
天去不還樓花覆簾空坐攀一向花前
看白髮幾回夢裏憶紅顏紅顏白髮雲
泥改何異桑田移碧海却想華年故園

時唯有一片空心在空心吊影向誰陳
雲臺仙閣舊遊人儻知巴樹連冬發應
憐南國氣長春

稍秋曉坐閣遇舟東下揚州卽
事寄上族父江陽令

虎嘯山城晚猿鳴江樹秋紅林架落照
青峽送歸流歸流赴淮海征帆下揚州
族父江陽令盛業繼前修文掩崔亭伯
德齊陳太丘時哉惜未與千載且爲儔

憶昔山陽會長懷東上遊稱觴阮林下
雪賦謝庭幽道濃禮自略氣舒文轉道
高情薄雲漢酣態坐芳洲接席復連軫
出入陪華輶獨善與兼濟語默奉良籌
歲月歡無已風雨暗颼颼掌憲時持節
爲邦邈海頭子人惠雖樹蒼生望且留
微躬趨直道神甸忝清猷仙臺適西步
蠻徼忽南浮宇內皆安樂天涯獨遠投
忠信徒堅仗神明豈黜訓觀生海漫漫

稽命天悠悠雲昏巴子峽月遠吳王樓
懷昔明不寐悲今歲屬周喟無排雲翮
暫得抒離憂空灑霑江淚萬里逐行舟

初出京邑有懷舊林

賦生期獨得素業守微班外忝文學知
鴻漸鴛鴦間內傾水木趣築室依近山
晨趨天日宴夕臥江海閑松風生坐隅
仙禽舞亭灣曙雲林下客霽月池上顏
雖曰坐郊園靜默非人寰時步蒼龍硤

寧異白雲關語濟豈時顧默善忘世攀
世網余何觸天涯謫南蠻回首思洛陽
喟然悲貞艱舊林日夜遠孤雲何時還

上幸皇太子新院應制

佳氣曉葱葱乾行人震宮前星迎北極
少海被南風視膳銅樓下吹笙玉座中
訓深家以正義舉俗爲公父子成釗合
君臣禹啓同仰天歌聖道猶愧乏雕蟲
奉和李令扈從溫泉宮賜遊驪

山韋侍郎別業

風后軒皇佐雲峰謝客居承恩來翠嶺
締賞出丹除飛蓋松溪寂清笳玉洞虛
窺巖詳霧豹過水略泉魚鄉入無何有
時還上古初伊臯羞過狹魏邴服麤踈
白雪緣情降青霞落卷舒多慙郎署在
輕繼國風餘

送蘇八給事出牧徐州相國請
出同芳韻

金鼎屬元方瑣闥連季常畏盈聊出守
分命乃維良曉騎辭朝遠春帆向楚長
賢哉謙自牧天下詠餘芳

季冬送戶部郎中使黔府選補
握鏡均荒服分衡得大同徵賢一臺上
補吏五溪中雨露將天澤文章播國風
漢庭睽直諒楚峽望清通馬逐霜鴻漸
帆泂曉月空還期鳳池拜照耀列星宮

讓帝挽歌詞

泰伯玄風遠延州德讓行闔棺追大節
樹羽冊鴻名地戶迎天仗皇階失帝兄
還聞漢明主提劔泣陳平

朝天馳馬絕冊帝 宮祖恍惚陵廟新
蕭條池館古萬化一朝空哀樂此路同
西園有明月修竹韻悲風

題殿前桂

桂樹生南海芳香隔楚山今朝天上見
疑是月中攀

歲晚還京臺望城闕成口號先
贈交親

紫陌開行樹朱城出晚霞猶憐慣去國
疑是夢還家風弱知催柳林青覺待花
交親望歸騎幾處擁年華

南樓望

去國三巴遠登樓萬里春傷心江上客
不是故鄉人

臨川送別

秋郊日半隱野樹煙初映風水正蕭條
那堪動離詠

江南遇雨一首

張鼎

江天寒意少冬半雨仍飛出戶愁爲聽
從風灑客衣旅魂驚處斷鄉信意中微
幾日應晴去孤舟且欲歸

送趙

護邊

孫逖

外域分都護中臺命職方欲傳清廟略
先取劇曹郎已佩登臺印猶懷伏奏香
百壺開詔餞四牡誠戎裝青海連西掖
黃河帶北涼關山瞻漢月戈劔宿胡霜
體國才先著論兵策復長杲持文武術
還繼杜當陽

張丞相燕公挽歌詞二首

海內文章伯朝端禮樂英一言興寶運
三入濟羣生命與才相偶年將位不并
台星忽已并流慟軫皇情

甲第三重戟高門四列侯已成冠蓋里

更有鳳凰樓人世方爲樂生涯遽若休
空餘掌綸地傳慶一千秋

送張環攝御史監南選

漢使得張綱威名攝遠方恩霑柱下史
榮比選曹郎江帶黔中闊山連峽水長
莫愁炎暑地秋至有嚴霜

春日留別

春路透迤花柳前孤舟晚泊就人烟東
山白雪不可見西陵江月夜涓涓春江
夜盡潮聲度征帆遙從此中去越國山
川看漸無可憐愁思江南樹

途中口號

鄴城東北望陵臺珠翠繁華去不回無
復新粧艷紅粉空餘故隴滿青苔

三月三日曲江賜宴 趙良器

聖祖發神謀靈符叶帝求一人光錫命
萬國荷時休雷解園丘畢雲需曲水遊
岍花迎步輦仙仗擁行舟睿藻天中降

恩波海外流小臣同品物陪此樂皇猷
鄭國夫人挽歌詞
淑德延公冑宜家接帝姻桂宮男掌僕
蘭殿女昇嬪恩澤昭前命盈虛變此辰
百年今已矣彤管列何人

郡中客舍

黃麟

蟲響亂啾啾更人正數籌魂歸洞庭夜
霜臥洛陽秋微月有時隱長河到曉流
起來還囑鴈鄉信在吳洲

途中口號

郭向

抱玉三朝楚懷書十上秦年年洛陽陌
花鳥弄歸人

國秀集卷中

金部員外郭良

二首

考功員外蔣冽

二首

西河長史劉廷琦

三首

安定太守王喬

一首

陳王掾張諤

五首

司勳員外鄭審

一首

大理司直薛奇章

三首

太僕寺丞崔顥

七首

河陰尉徐九臯

五首

醴泉尉閻寬

五首

河陰令康定之

一首

尚書右丞王維

七首

崑山令萬齊融

二首

進士樓穎

五首

左補闕崔國輔

六首

右武衛錄事李嶷

二首

校書郎王泠然

一首

右武衛錄事李收

二首

會稽尉賀朝

一首

進士楊重玄

一首

前進士常建

一首

處士孟浩然

七首

進士程彌綸

一首

餘杭尉丁仙芝

一首

凡二十四人詩七十三首

題李將軍山亭

郭良

鳳轄將軍位龍門司隸家衣冠爲隱逸
山水作繁華徑出重林草池搖兩岸花
誰知貴公第亭院有烟霞

早行

早行星尚在數里未天明不辨雲林色
空聞風水聲月從山上落河入斗間橫
漸至重門外依稀見洛城

南溪別業

蔣冽

結宇依青嶂開軒對綠疇樹交花兩色
溪合水同流竹徑春來掃蘭樽夜不收
逍遙自得意鼓腹醉中遊

古意

冉冉紅羅帳開君玉樓上畫作同心鳥
銜花兩心向春風正可憐吹映綠窗前
妾意空相感君心何處邊

從軍

劉庭琦

朔風吹寒塞胡沙千萬里陣雲出岱山
孤月生海水次勝方求敵銜恩本輕死

國秀集中
蕭蕭牧馬鳴中夜拔劍起

詠木槿樹題武進文明府廳

物情良可見人事不勝悲莫恃朝榮好
君看暮落時

過故人舊宅

王喬

故人軒騎罷歸來舊宅園林閑不開唯

餘挾瑟婦哭向平生歌舞臺

東封山下宴羣臣

張諤

萬里扈封巒羣公遇此歡幔城連夜靜

霜仗滿空寒輦路宵煙合旌門曉月殘
明朝陪聖主山下禮圓壇

岐王美人

半額畫雙蛾盈盈燭下歌玉杯寒意少
金屋夜情多香艷王分帖裙嬌勅賜羅
平陽莫漫妬喚出不如他

贈吏部孫員外濟一首

天子愛賢才星郎入拜來明光朝半下
建禮直初回名帶含香發文隨綺幕開

披雲自有鏡從此照仙臺

岐王山亭

王家傍綠池春色正相宜豈有樓臺好
兼看草樹奇石榴天上葉椰子日南枝
出入千門裏年年樂未移

九日宴一首

秋葉風吹黃颯颯晴雲日照白鱗鱗歸
來得問茱萸女今日登高醉幾人

酒席賦得匏瓢

鄭審

華閣與賢開仙瓢自遠來幽林常伴許
陋巷亦隨回挂影憐紅壁傾心向綠杯
何曾斟酌處不使玉山頽

擬古

薛竒章

沙塵朝蔽日失道還相遇寒影波上雲
秋聲月前樹川氣生曉夕野陰乍烟霧
沉沉漉池水人馬不敢度吮癰世所薄
挾纊恩難顧不見古時人中宵淚橫注
和李起居秋夜之作

過庭聞禮日趨侍記言回獨臥玉窓前
卷簾殘雨來高秋南斗轉涼夜北堂開
水影入朱戶螢光生綠苔簡成良史筆
年是洛陽才莫重白雲意時人許上台
吳聲子夜歌

古遊俠

崔顥

少壯有膽氣好勇復知機仗劍出門去

孤城逢合圍殺人遼水上走馬漁陽歸
錯落金瑣甲蒙茸貂鼠衣還家行且獵
弓矢速如飛地迴鷹犬疾草深狐兔肥
腰間帶兩綬轉盼生光輝顧謂今日戰
何如隨建威

結定襄獄効陶體

我在河東時使至定襄里定襄黜小兒
爭訟紛城市長老莫敢言太守不能理
謫書盈几案文墨相填委牽引市井翁

追呼田家子我來折此獄五聽辨疑似
小大必以情未嘗施鞭捶是時三月暮
遍野農耕起里巷鳴春鳩田園引流水
此鄉多雜俗戎夏殊音旨顧問邊塞人
勞情曷云已

贈輕車

悠悠遠行歸經春涉長道幽冀桑始青
洛陽蠶已老憶昨戎馬地別時心草草
烽火從北來邊城閉當早平生少相遇

未得展懷抱今日杯酒中見君交情好

岐王席觀妓

二月春來半王家日漸長柳垂金屋暖
花覆玉樓香拂匣先臨鏡調笙更炙簧
長將歌舞態只擬奉君王

題沈隱侯八詠樓

梁日東陽守爲樓望越中綠窓明月在
青史古人空江靜聞山狔川長數塞鴻
登臨白雲晚留恨此遺風

贈梁州張都督

聞君爲漢將虜騎不南侵
出塞清沙漠還家拜羽林
風霜臣節苦歲月主恩深
爲語西河使知余報國心

題黃鶴樓

昔人已乘白雲去茲地空餘黃鶴樓
黃鶴一去不復返白雲千里空悠悠
晴川歷歷漢陽樹春草青青鸚鵡洲
日暮鄉關何處是煙波江上使人愁

關山月

徐九臯

玉塞抵長城金徽映高闕
遙心萬餘里直望三邊月
霜靜影逾懸露稀光漸沒
思君不可見空歎將焉歇

戰城南

塞北狂胡旅城南敵漢圍
巉岵一鼓氣拔利五兵威
虜騎瞻山哭王師拓地飛
不應須寵戰當遂勒金徽

詠史

亡國秦韓代榮身劉項年金槌擊政後
玉斗碎增前聖主稱三傑明離保四賢
已申黃石祭方慕赤松仙

途中覽鏡

四海遊長倦百年愁半侵
賴窺明鏡裏時見丈夫心

送部四鎮人往單于別知故

天下今無事雲中獨未寧
秦驅更戍卒方遠送邊庭
馬飲長城水軍占太白星

國恩行可報何必守經營

松滋江北阻風

閻寬

江風久未歇山雨復相仍
巨浪天涯起餘寒川上凝
憂人勞夕惕鄉事憊晨興
遠聽知音駭誠哉不可陵

曉入宜都渚

問俗周楚甸川行眇江潯
興隨曉光發道會春言深
回眺佳氣象遠懷得山林
佇應舟楫用曷務歸閑心

古意

庭樹發華滋瑤草復葳蕤好鳥飛相從
愁人深此時天中有靈匹日夕嘯蛾眉
願逐飄風花千里入遙帷心逝愛不見
空歌悲莫悲

春宵覽月

月生東荒外天雲收夕陰愛見澄清景
象吾虛白心耳目靜無譁神迢道性深
乘興得至樂寓言因永吟

秋懷

下帷長日盡虛館早涼生芳草猶未薦
如何蜻蛚鳴秋風已振衣客土何時歸
為問當途者寧知心有違

詠月

康定之

天使下西樓光含萬里愁臺前疑挂鏡
簾外似懸鈎張尹將眉學班姬取扇儔
佳期應借問為報在刀頭

河上送趙仙舟

王維

國秀集
相逢方一笑相送還成泣祖席已傷離
荒城復愁入天寒遠山靜日暮長河急
解纜君已遙望君空佇立

初至山中

中歲頗好道晚家南山垂興來每獨往
勝事祗自知行到水窮處坐看雲起時
偶然見林叟談笑滯還期

途中口號

廣武城邊逢暮春汶陽歸客嘆
州落

花寂寂啼山鳥楊柳青青渡水人

成文學

寶劍千金裝登君白玉堂身爲平原客
家有邯鄲娼使氣公卿坐論心遊俠場
中年不得意謝病客遊梁

扶南曲

怪來粧閣閉朝下不相迎總在春園裏
花間語笑聲

息僞怨

莫以今時寵能忘昔日恩看花滿眼淚
不共楚王言

送殷四葬

送君返葬石樓山松柏蒼蒼賓馭還埋
骨白雲長已矣空餘流水向人間

贈別江

萬齊融

東南飛鳥處言是故鄉天江上風花晚
君行定幾千計程頻破月數別屢開年
明歲潯陽水相思寄採蓮

送陳七還廣陵

風流誰氏子雖有舊無雙歡酒言相
愁弦意不降落花馥河道垂楊拂水窻
海潮與春夢朝夕廣陵江

伊水門

樓穎

朝陟伊水門伊水入門流愜心乃成興
澹然况孤舟霏微傍青靄客與隨白鷗
竹陰交前浦柳花媚中洲日落陰雲生
彌覺茲路幽聊以恣所適此外知何求

東郊納涼憶左威衛李錄事

收昆

季太原崔參軍三首并序

僕三伏於通化門東北數里避暑之地
地卽故倅天官顧公之舊林今貳冢宰
君李公之別業右抵禁籞斜界沁園空
水相暉步虹橋而下視竹木交映弄仙
棹而傍窺足滌煩襟陶蒸暑獨往成興
恨不與數公共之率然有作因以見意
水竹誰家宅幽庭向苑門今知季倫沼
舊是辟疆園饑鷺窺魚靜鳴鷓帶子喧
興成祇自適欲自反忘言

納涼每選地近得青門東林與繚垣接
池將沁水通枝交帝女樹橋映美人虹
想是忘機者悠悠在興中

林間求適意池上得清飈稍稍斜回櫂
時時一度橋水光壁際動山影浪中搖
不見李元禮神仙何處要

西施石

西施昔日浣沙津石上青苔思殺人一
去姑蘇不復返岸傍桃李爲誰春

杭州北郭戴氏荷池送侯愉

崔國輔

秋近萬物肅况當臨水時折花贈歸客
離緒斷荷絲誰謂江國永故人感在茲
道存過北郭情極望東菑喬木故園意
鳴蟬窮巷悲扁舟竟何待中路每遲遲

宿法華寺

松雨時復滴寺門清且涼此心竟誰證
回憇支公牀壁畫感靈跡龕經傳異香
獨遊寄象外忽忽歸南昌

送韓十四被魯王推遞往濟南府

西候情何極南冠怨有餘梁王雖好士
不察獄中書

少年行

遺却珊瑚鞭白馬驕不行章臺折楊柳

春日路傍情

古意

紅荷楚水曲彪炳爍晨霞未得兩回摘
秋風吹却花時芳不待妾玉佩無處誇
悔不盛年時嫁與青樓家

渭水西別季崙

隴外長亭候山深古塞秋不知嗚咽水
何事向西流

讀前漢外戚傳

李崙

人錄尚書事家臨御路傍鑿池通渭水
避暑借明光印綬妻封邑軒車子拜郎
寵因宮掖裏勢極必先亾

遊俠

玉劔膝旁橫金杯馬上傾朝遊茂陵道
夜宿鳳凰城豪傑多猜忌無勞問姓名
淮南寄舍弟
王泠然

昔子從不調經歲旅淮源念爾長相失
何時返故園寄書迷處所分袂隔涼溫

遠道俱爲客他鄉共在原歸情春伴鴈
秋泣夜隨猿愧見高堂上朝朝獨倚門
和中書侍郎院壁畫雲

李收

粉壁畫雲成如能上太清影從霄漢發
光照掖垣明映篠多幽趣臨軒得野情
獨思作霖雨流潤及生靈

幽情

幽人情春暮潭上折芳草佳期何時還

欲寄千里道

宿香山閣

賀朝

暝上春山閣梯雲宿半空軒牕閉潮海
枕席拂煙虹朱網防棲鶴紗燈護夕蟲
一聞雞唱曉已見日曛曛

贈酒店胡妃

胡妃春酒店絃管夜鏘鏘紅氍鋪新月
貂裘坐薄霜玉盤初膾鯉金鼎正烹羊
上客無勞散聽歌樂世娘

孤興

晴日暖珠箔天桃色正新紅粉清鏡中
娟娟可憐嘖君子在遐險蕙心誰見珍
羅幕空掩畫玉顏暗移春江瑟語幽獨
再三情未申黃鵠千里翅芳音遲所因
正朝上左相張燕公 楊重玄
歲去愁終在春還命不來長吁問丞相
東閣幾時開

戲題湖上

常建

湖上老人坐島頭湖裏桃花水却流竹
竿嫋嫋白波際不知何者吞吾鈎
夏日宴衛明府宅遇北使

孟浩然

言避一時暑池亭五日開喜逢金馬客
同飲玉人杯舞鶴乘軒至游魚擁釣來
座中殊未起簫管莫相催

題榮二山池

甲第開金穴榮期樂自多
櫪嘶支遁馬

國秀集中
池養右軍鶯竹引携琴入花邀載酒過
山公來取醉時唱接離歌

江上思歸

木落鴈南度北風江上寒我家襄水曲
遙隔楚山端鄉淚客中盡歸帆天外看
迷津欲有問平海夕漫漫

過陳大水亭

水亭涼氣多閑棹晚來過澗影見藤竹
潭香聞芰荷野童扶醉舞山鳥助酣歌

幽賞未云遍煙花奈夕何

渡浙江

潮落江平未有風歸舟共濟與君同時
引領望天末何處青山是越中

長樂宮

秦城舊來稱窈窕漢家更衣應不少紅
粉邀君在何處青樓苦夜長難曉長樂
宮中鐘暗來可憐歌舞慣相催歡娛此
事今寂寞唯有年年陵樹哀

國秀集中
渡楊子江

桂檝中流望京江兩畔明林開楊子驛
山出潤州城海盡邊陰靜江寒朔吹生
更聞楓葉下淅瀝度秋聲

懷魯

程彌綸

曲阜國尼丘山周公邈難問夫子猶啓
關履風雩兮若見游夏興兮魯顏天孫
天孫何爲今兮學且難負星明而東遊
閑閑

京中守歲

丁仙芝

守歲多然燭通宵莫掩扉客愁當暗漏
春色向明歸玉斗巡初匝銀河落漸微
開正獻歲酒千里間庭闈

國秀集卷中

圖書

國子集

十九

